

"Mea Culpa"

Mi gfreits echaal wida, wenne in unnan Kirchan dōi bravm Messboum in iħran farbichan Gwaondlan ud iħran Feiataochsgsichtan siah.

Ud wenne öizt wos aas meina aigna Ministraontnzait dhazühl, saoll dōs niat haoiĖn, daaĖ ich a dāra faolschn Moining bi, daaĖ dh Ministraontala die graiĖtn Flaonkala wahn.

Aas woa aonaran Erntdaonkfäst im leztn Kröich. Afm Aoltarschtaffln va unnara Pfoarkirchn woan Braout, Obst ud Gmōis aasbraoit ud za uabast is, woahrscheinle dh schlächtn Zait zaan Troutz, a aollagraiĖta Weitraam gleng.

Mia Kinna ham Weibeala nu nie gseah- ud aiascht rächt niat va-soucht ghatt. BlaouĖ van dhzühlēn ud va Bildlan hea haoutma gwiĖt daaĖ suawos gouts gitt. Dōswäng haoutma a dōi Praachtweintraam in unnara Kirchn sua inträssieat. Ud waale in dera Wochē naou Erntdaonk aoll Taoch ministriean ho möin, hobe genaouch Zait ghatt dōs Traamwunna aozaschaoua- ud dh Laousbou haout dōs miet Aodaacht tou.

Aomaol van Confiteor, dōs Sündnbhkänntnis ham mia Messboum echaal im Nama vada gaonzn Kirchngmoi za betn ghatt, haobame naou sua töift niedabuang, daaĖ mietm Maal aon dōi Beala ogschtaouĖn bi. WōiĖ niat wōis zougaonga is, mou waohrscheinle zoubissēn homb. Af jeen Foall woa afaomaol sura Kuchal in mein Maal.

Glei haoutsma, wecha dāra schlimma Sünd, bis in dh Söll ai aon Schtich gemb. Ud va Schräck hobe dōs Weibeal miet Schtumpf a Schtül vaschluckt, ohne dare wos van goutn Gschmooch gmörkt ho. Ud glei isma naou kumma: "Haout öizt dōs dh Hear Pfoarra gseah oda niat?"

Dōs Lezte haoutma suaarch okinnt, daaĖ baol nimma gwiĖt hait wōis mietm Ministriean weitagaiht.

Hobs gaoua niat dhwaortē kinna bis dh Mäss aas woa. Ändle! Ändle woas sua weit. Schnäll hobe maa ~~ezuang~~ Gwaondl ozuang, aas Höitl packt ud.....

"Böibl!"

Dh Schtimm van Haouchwürdn haöltme zruck ud ich schtaih wōi ogwurzt. "Öizt kummts af", gaihzma durchē Kuapf- ud maa Härzl pumpat.

"Böibl! kännstē Mesna hälfm aon Erntdaonk wechzrama, aas Obst däafsta nähma.- Geil!"

"Ja-a! Jaa is schou rächt", schtottare dhea ud wōiĖ niat wōima gschiaht.

Naouara haolmb Schtuud kummt a Laousbou aas dh Sokristei, aas
Höitl vulla Obst. Dh Weitraam, va deara waou sua schou ao Beal
faahlt, wiad afm Hoamwech glei vaschnaobulieat.
Ob dh Hear Pfoarra va mein "Sündnfoall" gwißt haout? - Leida
konnin nimma fraung.